

ძრავიანი სატრანსპორტო საშუალებების შესყიდვა
სატენდერო დოკუმენტაცია

1. საკვალიფიკაციო მოთხოვნები:

„შემსყიდველი ორგანიზაციის“ მოთხოვნიდან არაუგვიანეს 5-დღეში „პრეტენდენტმა“ უნდა წარმოადგინოს „ა“ ან „ბ“ პუნქტებში მოცემული საკვალიფიკაციო მონაცემები ელექტრონული სისტემის გამოყენების გარეშე საქართველოს კანონმდებლობით დადგენილი ფორმით.

ა) იურიდიული პირისათვის და ინდივიდუალური მეწარმესათვის:

1. ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;
2. ცნობა საჯარო-სამართლებრივი შეზღუდვის არარსებობის შესახებ (საჯარო რეესტრის ეროვნული სააგენტოდან);
3. პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.

ბ) ფიზიკური პირისათვის:

1. ცნობა საჯარო-სამართლებრივი შეზღუდვის არარსებობის შესახებ (საჯარო რეესტრის ეროვნული სააგენტოდან);
2. პრეტენდენტის პირადი რეკვიზიტები (პირადობის მოწმობის ასლი და საკონტაქტო რეკვიზიტები);

ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს სატენდერო წინადადების ელექტრონული სისტემის საშუალებით მიღების დაწყების თარიღს.

არარეზიდენტმა პრეტენდენტმა უნდა წარმოადგინოს თავისი ქვეყნის შესაბამისი უფლებამოსილი ორგანოების მიერ გაცემული ზემოხსენებული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

ყველა სავალდებულო დოკუმენტაცია წარმოდგენილი უნდა იყოს ქართულ ენაზე.

პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

ალტერნატიული სატენდერო წინადადება არ დაიშვება.

აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.

გამარჯვებულთან ხელშეკრულება გაფორმდება საკვალიფიკაციო მონაცემების წარმოდგენის (დაკმაყოფილების), ხელშეკრულების შესრულების საგარანტიო უზრუნველყოფის წარმოდგენის და ევროპის საინვესტიციო ბანკის EIB-სგან (დაფინანსების წყარო) თანხმობის მიღების შემდეგ.

2. შესასყიდი საქონლის რაოდენობა – 2 ერთეული ძრავიანი ავტოსატრანსპორტო საშუალება;

მიწოდების ვადა, ადგილი და ფორმა – ხელშეკრულების გაფორმებიდან 50 დღე, შემდეგ მისამართზე: ქ. თბილისი ბარათაშვილის ქ. №2, შპს „ენერგოტრანსის“ სათაო ოფისი.

3. შესყიდვის ობიექტის ტექნიკური და ხარისხობრივი მაჩვენებლების სრული აღწერა:

პიკაპები – 2 ცალი:

2011 წლის მოდელი, ახალი (ექსპლუატაციაში არ მყოფი).

1. ძრავა 2.5
2. 4 ცილინდრიანი
3. 4X4
4. ავტომატის სიგრძე X სიგანე X სიმაღლე
5175მმ X 1750მმ X 1775მმ
5. ბორტის სიგრძე X სიგანე 1325მმ X 1470მმ
6. 5 საფეხურიანი მექანიკური გადც. კოლოფი
7. უკანა წამყვანი თვლები ამძრავი ჩართვადი წინა ხიდით
8. გამანაწილებელი კოლოფი დაბალი გადაცემის ჩამრთველით
9. 4 კარები, 2 კაბინიანი
10. 4+1 ადგილი
11. საჭის ლიფტი
12. ტურბო დიზელი
13. 141.5 ცხ/ძ
14. საჭის ჰიდრო გამაძლიერებელი
15. ელ. შუშები
16. ცენტრალური საკეტი
17. AM/FM რადიო, CD
18. კონდიციონერი
19. სამზერები
20. საწვავის ავზის მოცულობა 75 ლ.
21. ტვირთამწეობა 1000 კგ
22. წვის რეჟიმი 9-11 ლ 100კმ-ზე

გარანტია არანაკლებ 3 წელი ან 100 000კმ გარბენი, რომელიც უფრო მაღე შესრულდება.

შენიშვნა: მიმწოდებლის მიერ წარმოდგენილი ტექნიკური დოკუმენტაცია უნდა იყოს ქართულ და ინგლისურ ენებზე და უნდა შეესაბამებოდეს ზემოხსენებულ ტექნიკურ და ხარისხობრივ მაჩვენებლებს, მოდელის და მწარმოებლის მითითებით.

4. ხელშეკრულების აუცილებელი პირობები:

გამარჯვებულთან ხელშეკრულება გაფორმდება საკვალიფიკაციო მონაცემების წარმოდგენის (დაკმაყოფილების), ხელშეკრულების შესრულების საგარანტიო უზრუნველყოფის წარმოდგენის და ევროპის საინვესტიციო ბანკის EIB-სგან (დაფინანსების წყარო) თანხმობის მიღების შემდეგ.

გამოყენებული იქნება ხელშეკრულების შესრულების საგარანტიო უზრუნველყოფა: საბანკო გარანტია ხელშეკრულების საერთო ღირებულების 5% ოდენობით. გარანტია წარმოდგენილ უნდა იქნეს ხელშეკრულების გაფორმებამდე 5 დღის ვადაში (გაფორმების დღის ჩათვლით). საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 (ოცდაათი) დღით მეტი ვადით.

გ) საავანსო გადახდა არ დაიშვება.

ხელშეკრულების პროექტი საქონლის შესყიდვის შესახებ №

ქ.თბილისი

_____2011წ.

1. მხარეები

წინამდებარე ხელშეკრულება დადებულია 2011 წლის _____, ერთის მხრივ შპს “ენერგოტრანსს”, (შემდგომში “შემსყიდველი”) წარმოდგენილი მისი დირექტორის კახა სეხნიაშვილის სახით და მეორეს მხრივ _____ – (შემდგომში “მიმწოდებელი”) წარმოდგენილი მისი _____ სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

2.1 “მიმწოდებელი” იღებს ვალდებულებას მიაწოდოს “შემსყიდველს” ძრავიანი სატრანსპორტო საშუალებები (შემდგომში საქონელი) დანართი №1 (ფასთა ცხრილი) და დანართი №2 (ტექნიკური მონაცემების) შესაბამისად.

2.2. დანართი №1 და №2 წარმოადგენს წინამდებარე ხელშეკრულების განუყოფელ ნაწილს.

3. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს _____(სიტყვიერად თანხის მითითება) ლარს კანონმდებლობით გათვალისწინებული ყველა გადასახადების ჩათვლით (შემდგომში – „ხელშეკრულების ღირებულება“), საქონლის ღირებულება ითვალისწინებს ტრანსპორტირების ხარჯებს „შემსყიდველის“ შემდეგ მისამართზე: ქ.თბილისი, ბარათაშვილის ქ. №2 შპს „ენერგოტრანსის“ სათაო ოფისი.

3.2 „შემსყიდველის“ მიერ ანგარიშსწორება განხორციელდება საქონლის სრულ მოცულობაზე მიღება-ჩაბარების აქტის გაფორმებიდან და შესაბამისი საგადასახადო ანგარიშფაქტურის წარმოდგენიდან 20 (ოცი) სამუშაო დღის განმავლობაში.

3.3 საქონლის ღირებულების ანაზღაურება ხორციელდება უნაღდო ანგარიშსწორების ფორმით.

4. მხარეთა უფლება-მოვალეობები

4.1 მიმწოდებელი ვალდებულია გადასცეს “შემსყიდველს” ნივთობრივად და უფლებრივი ნაკლისაგან თავისუფალი საქონელი (ექსპლუატაციაში არ მყოფი, ახალი) ასევე, მათზე დანართ №2-ში გათვალისწინებული საგარანტიო მომსახურებით საქართველოს ტერიტორიაზე სარგებლობის უფლებები ხელშეკრულების გაფორმებიდან 50 (ორმოცდაათი) კალენდარულ დღეში. შემდეგ მისამართზე: ქ. თბილისი, ბარათაშვილის ქ.№2 შპს „ენერგოტრანსის“ სათაო ოფისი.

4.2 შესაბამისი ექსპლუატაციის პირობებში საქონლის საგარანტიო ვადა განისაზღვრება მიღება-ჩაბარების აქტის გაფორმებიდან 3 წლის ვადით ან 100 000 კმ გარბენით (რომელიც უფრო მაღე შესრულდება).

4.3 საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, “მიმწოდებელი” ვალდებულია თავისი ხარჯებით გამოასწოროს ხარვეზი “შემსყიდველის” წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 30 (ოცდაათი) კალენდარული დღის განმავლობაში უნდა შეცვალოს საქონელი.

4.4 საქონლის მოწოდებისას „მიმწოდებელმა“ საქონელზე უნდა წარმოადგინოს დამამზადებელი ქარხნის პასპორტი ან/და შესაბამისი დოკუმენტაცია.

4.2. “შემსყიდველი” მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

4.1. “შემსყიდველი” იღებს ვალდებულებას აუნაზღაუროს “მიმწოდებელს” მიწოდებული საქონლის ღირებულება ხელშეკრულების პირობებში ასახულ ვადებში და ფორმით.

5. მხარეთა პასუხისმგებლობა

5.1 „მიმწოდებლის“ მიზებით საქონლის დაგვიანებით, არასრულად ან საერთოდ არ მოწოდების შემთხვევაში, „მიმწოდებელი“ მოვალეა გადაიხადოს პირგასამტეხლო ხელშეკრულების ღირებულების 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე.

5.2 ამ ხელშეკრულების 5.1 პუნქტით გათვალისწინებული პირგასამტეხლო “მიმწოდებელს” გადასახდელად დაერიცხება აგრეთვე იმ შემთხვევაში, თუ “მიმწოდებლის” მიერ მიწოდებული საქონელი დაუზენებელია ან აქვს

ხარვეზები, ხარვეზის გამოსწორების ან წუნდებული ან ხარვეზიანი საქონლის მაგივრად ხარისხიანი საქონლის მიწოდების დღემდე.

5.3 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

5.4 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს და ჯარიმის თანხა.

6. ხელშეკრულების შესრულების კონტროლი

6.1 “შემსყიდველს” ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი „მიმწოდებლის” მიერ ნაკისრი ვალდებულებების შესრულებაზე.

6.2 ხელშეკრულების შესრულების კონტროლს “შემსყიდველის” მხრიდან უზრუნველყოფს შპს “ენერგოტრანსის”
_____.

6.3 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

7. შესყიდვის ობიექტის მიღება-ჩაბარების წესი

7.1 საქონელის მიწოდებისას “შემსყიდველის” მიერ წინამდებარე ხელშეკრულების 6.2 ქვეპუნქტით განსაზღვრული პირი (პირები) ამოწმებს მიწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით “შემსყიდველსა” და “მიმწოდებელს” შორის.

7.2 საქონლის მიღების დროს აღმოჩენილი ხარვეზების (წუნდების) შემთხვევაში “შემსყიდველი” ვალდებულია ოპერატიულად, წერილობითი სახით აცნობოს “მიმწოდებელს” სათანადო ხარვეზების შესახებ (წუნდების არსი).

7.3. “მიმწოდებელი” ვალდებულია საქონლის გადაცემის დროს ხარვეზების (წუნდების) აღმოჩენის შემთხვევაში “შემსყიდველის” წერილობითი შეტყობინებიდან **10 დღის** განმავლობაში თავისი ხარჯებით გამოასწოროს ხარვეზი, ხოლო თუ ეს შეუძლებელია, ხსენებული შეტყობინებიდან **30 დღის განმავლობაში** შეცვალოს საქონელი.

7.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე.

8. ხელშეკრულების შესრულების საგარანტიო უზრუნველყოფა

8.1 წინამდებარე ხელშეკრულების გაფორმებამდე 5 (ხუთი) დღის ვადაში (გაფორმების დღის ჩათვლით) “მიმწოდებლის” მიერ წარმოდგენილი უნდა იქნას ხელშეკრულების შესრულების საგარანტიო უზრუნველყოფა, საბანკო გარანტია, სახელშეკრულებო ღირებულების 5% ოდენობით. საბანკო გარანტია ძალაში

უნდა იყოს ხელშეკრულების მოქმედების ვადაზე არანაკლებ **30 (ოცდაათი)** დღით მეტი ვადით.

8.2 “შემსყიდველის” მხრიდან ხელშეკრულების შესრულების გარანტია გამოყენებული იქნება შემდეგ შემთხვევებში თუ:

ა) “მიმწოდებლის” მხრიდან საქონლის სრულად მიწოდების ვადა ირდევია **30 (ოცდაათი)** დღეზე მეტი ხნის განმავლობაში ან ირდევია 7.3 პუნქტით გათვალისწინებული ხარვეზის გამოსწორების ვადა.

ბ) “მიმწოდებლის” მიერ მოწოდებული საქონელი არ შეესაბამება წინამდებარე ხელშეკრულებით განსაზღვრულ მოთხოვნებს.

8.3 8.2 პუნქტით განსაზღვრულ შემთხვევებში “შემსყიდველი” საბანკო გარანტიის საფუძველზე უპირობოდ და შეუქცევადად იღებს მთელ გარანტირებულ თანხას (ხელშეკრულების ღირებულების 5%) და წყვეტს წინამდებარე ხელშეკრულებას.

8.4 “შემსყიდველის” მხრიდან ხელშეკრულების უზრუნველყოფის გარანტიის გამოყენება არ ათავისუფლებს “მიმწოდებელს” წინამდებარე ხელშეკრულების პირობების მე-5 მუხლით განსაზღვრული ვალდებულებებისაგან.

9. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით და სხვა. ფორს-მაჟორის არსებობის საკმარის დამადასტურებელ საბუთად მხარეები განიხილავენ შესაბამისი სავაჭრო – სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის

მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონით, დეპეშის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

11. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 ხელშეკრულება შეიძლება ვადამდე მოიშალოს:

11.2.1. მხარეთა შეთანხმებით;

11.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.3 “შემსყიდველს” შეუძლია ხელშეკრულება ვადამდე შეწყვიტოს:

11.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.3.2. “მიმწოდებლის” გაკოტრების შემთხვევაში;

11.3.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება;

11.3.4. საქართველოს კანონმდებლობით გათვალისწინებულ სხვა შემთხვევებში.

11.4 ამ მუხლის 11.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

11.5 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკებების დაწყებიდან **30 (ოცდაათი) დღის** განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

14. ხელშეკრულების მოქმედების ვადა

14.1. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2011 წლის ————— -მდე.

15. ხელშეკრულების სხვა პირობები

15.1 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.2 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.3 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.4 წინამდებარე ხელშეკრულება დაიდო „სახელმწიფო შესყიდვების შესახებ“ საქართველოს კანონის შესაბამისად.

15.5 ხელშეკრულება შედგენილია 4 ეგზემპლარად 2 ქართულ და 2 ინგლისურ ენაზე.

მხარეთა რეკვიზიტები

“შემსყიდველი”:

“მიმწოდებელი”:

ხელშეკრულების შესრულების საგარანტიო უზრუნველყოფა
(საბანკო გარანტია)

ვის: _____
(შემსყიდველის დასახელება)

მხედველობაში ვიღებთ რა, რომ _____

(მიმწოდებლის დასახელება)
შემდგომში “მიმწოდებელმა” _____ ტენდერში წარდგენილი
თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს
საბანკო გარანტია მასზე დაკისრებული ვალდებულებების შესრულების
გარანტიის სახით ხელშეკრულებაში მითითებულ თანხაზე, ჩვენ თანახმა ვართ
გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები
და პასუხისმგებლები თქვენს წინაშე მიმწოდებლის სახელით საერთო
თანხაზე

(თანხა ციფრებით)

(თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ
ხელშეკრულების პირობების დარღვევის საფუძველზე თქვენი პირველივე
მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების
პირობების შესრულების საბოლოოდ დამთავრებამდე.
გარანტების ხელმოწერა და ბეჭედი

(თარიღი)

(მისამართი)

5. სატენდერო წინადადების ღირებულების გაანგარიშების მეთოდი:
ფასი უნდა მოიცავდეს საქონლის მიწოდების ადგილზე ტრანსპორტირების ხარჯებს და კანონმდებლობით გათვალისწინებულ გადასახადებს (განბაჟება, გაფორმება და ა.შ.).

დანართი №1

ფასთა ცხრილი (აღნიშნული დანართი დაერთვება ხელშეკრულებას)

საქონლის დასახელება (მოდელის და მწარმოებლის მითითებით)	ერთეულის ფასი (ლარში)	მთლიანი ფასი	მიწოდების ვადა და ადგილი
სულ			

პრეტენდენტის ხელმოწერა -----

ბ.ა

6. სატენდერო დოკუმენტაციის შესახებ დამატებითი ინფორმაციები:

6.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.

6.2 გამარჯვებულთან ხელშეკრულება გაფორმდება საკვალიფიკაციო მონაცემების წარმოდგენის (დაკმაყოფილების), ხელშეკრულების შესრულების საგარანტიო უზრუნველყოფის წარმოდგენის და ევროპის საინვესტიციო ბანკის EIB-სგან (დაფინანსების წყარო) თანხმობის მიღების შემდეგ.

7. საკონტაქტო ინფორმაცია ელექტრონულ ტენდერთან დაკავშირებით. ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს:

ზაზა ჩიხრაძე ტელ: 51 03 95; მობ: 877 23 25 66; ელ. ფოსტა: z.chikhradze@energotrans.com.ge;

გრიგოლ ფუტყარაია მობ: 877 59 44 59.

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.